

JEDNA HIDŽAMA VRIJEDI KAO 10 RUKJI (hadis)

Autor Zijad Ljakić



PITANJE: Esselamu alejkum we rahmetullah we berekatuhu□

Da li je tačno da jedna hidžama ima efekat kao 10 rukji? Da jedna hidžama zamijeni 10 rukji.

ODGOVOR: Alejkumusselam ve rahmetullahi ve berekatuhu.

Hvala Allahu i neka je salavat i selam na posljednjeg vjerovjesnika, a zatim:

Ne postoji vjerodostojan, slab niti izmišljen šerijatski tekst, ni hadis niti predaja od ashaba i selefa, koji ukazuju da jedna hidžama vrijedi kao 10 rukji, shodno tome što sam ja utvrdio.

Ne samo to, nego nema šerijatskog teksta koji uopće ukazuje da je propisano, korisno i vrijedno činiti hidžamu onima koji imaju sihr, džinski dodir ili urok. O tome, da hidžama koristi u liječenju od sihra, govorili su neki učenjaci, poput Ibn el-Kajjima (Zadul-mead, 4/124), i učači rukje su to ustanovili u praksi.

Prema tome, ne postoji hadis u ovom značenju. A nije dozvoljeno prenositi nepostojeće hadise, izreke ili riječi i pripisivati ih Poslaniku, sallallahu aljehi ve sellem. Kaže Poslanik, sallallahu aljehi ve sellem, u hadisu mutefekun alejhi: „**Ko slaže na mene, neka sebi pripremi mjesto u Džehennemu**“.

Ve billahi tevfik.